

## **Paulunê papia namataña gêdên** **TIMOTE**

Timote tau nec en ñac buña matac ten anja Asia Saun. Têna Judao ma tama Helen. En gêwiñ Paulu ma kêpuc en êôn kêtú kom mêtêña samob jakêsap en tôñ ñañêngosu.

Paulunê papia namataña gêdên Timote nec gêc tau keto kêwaka bin ñatêna têlêac sa. (1) Paulu gêjam la Timote gebe ejop tau êndên mêtêgeo, tañ gêôn sa anja gôlôac buña tau ñalêlom gêwiñ nan. Mêtêgeo tonañ ñai ñam kêsêp lau ñagêdô sêgaluñ kauç jaba anja lau Juda to lau samuc nêñ kêsêp taulêlôm. Lau seboc lau ten sênam taun kêsi sêngôm naêtôm atom, sêjala gêñ, tê ñam kêsin tau gêc lêlôm en nê, êwiñ acgom. Ac tec sêsôm lau sênam dabuñ gêñ taniña ñagêdô ma sêjac jao lauo to ñac sênam taunña atom. (2) Go Paulu keto bin tanam jaom gôlôacña ma om ñasakin ñagolin ñagêdô gêwiñ. En gêwa kômwaga gôlôacña nêñ ñalêlôm to nêñ gam sa. (3) Gocgo gêlêñ bin Timote gebe ênac dabin tau êtu Jesu Kilisi nê sakinwaga mansañ ñajam ten. Ma gêwa ênê kôm, tañ gêjac en ñawae gebe ênam êndên lau buña ñagêdô êndên-êndêngeñ nan, ñam sa amboac tañ.

### **Ñadênan**

1. Paulu gêjac m papia tau 1:1-2
2. Gôlôac dabuñ tau to gakolegwaga nêñ kôm ñagôlin 1:3-3:16
3. Timote tau nê kôm to ñagôlin 4:1-6:21

*Paulu gêjac m nê papia*

<sup>1</sup> Kilisi Jesu nê aposolo aê, Paulu, tec aêacnêḡ kêsîwaga Anôtô agêc Kilisi Jesu, taḡ takêḡ maten eḡ tamoa naḡ, kêjatu aê, <sup>2</sup> tec kato ḡoc papia tonec gêdêḡ aôm, Timote. Aôm kôtu aê latuc kêtu kôkêḡ gêwiḡḡa. Tameḡi Anôtô agêc aêacnêḡ Apômtau Kilisi Jesu nêḡ moasiḡ to taêḡ walô ma biḡmalô êndêḡ aôm êwac.

*Ojop taôm êndêḡ mêtê geo*

<sup>3</sup> Gêdêḡ taḡ aê gaja Makedonia naḡ, kasakiḡ aôm gebe ôḡgôḡ Epese ma ôsôm êndêḡ lau ḡagêdô gebe sênam mêtê teḡ eo atom. <sup>4</sup> Ôsôm êndêḡ êsêac gebe sêwi miḡ langwa ḡaôma-ḡaôma to nêḡ abeḡi to dêbuḡi nêḡ ḡaê ḡadênaḡ sêpuc tauḡ ḡamḡa siḡ. Biḡ tonan oc aḡgôm biḡ êlênsôḡ elêmê ma anam lau teḡ sa êtu sêkêḡ awiḡ Anô tôḡa atom. <sup>5</sup> ḡagôliḡ taḡ aôm kôkêḡ gêdêḡ êsêac naḡ, ḡamanô tau tonec gebe têmtac êwiḡ ḡanô, taḡ ḡam kêsêp ḡalêlôm ḡawa to ḡalêlôm ḡaḡêḡ ma akêḡ êwiḡ ḡakêḡkêḡ ḡajam tonêm ḡalêlôm makeḡḡeḡ. <sup>6</sup> Lau ḡagêdô sêwi lêḡ tonan siḡ ma sêlênsôḡ tauḡ sêsôm biḡ agwa-agwa ḡaôma. <sup>7</sup> Êsêac seboc têdôḡ Anôtônê biḡsu, mago sêjam kauc biḡ, taḡ sêsôm to biḡgalôm, taḡ sêjam sêmoa naḡ ḡam.

<sup>8</sup> Aêac tec tajala gebe Anôtônê biḡsuanô embe tamansaḡ ḡapep, oc gêḡ ḡajam samucḡeḡ. <sup>9</sup> Aêac tajala tonec gêwiḡ gebe sêmasaḡ biḡsu kêtu lau gêdêḡḡa atom. Biḡsu tau mêḡkêsa kêtu lau, taḡ sêgôm gêḡ wauc-waucḡeḡ to taḡeḡpêc ma dedec Anôtô to sêgôm sec, sêlic gêḡ teḡ kêtu nêḡ gêḡ dabuḡ atom, sêsôm biḡ alôb-alôb ḡawaô, sêjac tenenḡi to tamenḡi ma ḡamalac êndu naḡḡa. <sup>10</sup> Biḡsu tonan mêḡkêsa kêtu lau mockaiḡo to mockaiḡḡa

ma ñacwaga, tañ sêkwalec taunña, ma kêtú êsêac, tañ têtulu ñamalac têtú gêñômaña to lau dansañ ma êsêac, tañ têtôc lemeñ, mago sêsau nanña, ma kêtú êsêac, tañ sêgôm gêñ ñagêdô samob, tañ gesen mêtê ñajam suna nan. <sup>11</sup> Biñ tonañ gêc ñawae ñajam, tañ Anôtô kêkêñ gêdêñ aê gebe jasôm lasêña. Ñawae ñajam tonec gêwa Anôtô, tañ awenñ gêôc en nan, nê ñawasi sa.

*Paulu gêjam danje Anôtô kêtú taê walô enña*

<sup>12</sup> Aê gajam danje aêacnêñ Apômtau Kilisi Jesu, tañ kêpuc aê tôñ ma gêlic aê katôm gebe janam sakin en nan, tec kêkêñ kôm gêdêñ aê. <sup>13</sup> Gêmungeñ tec aê kasôm biñ alôb-alôb kêpi Jesu ma kêjanda en to kalêsu gôlôac dabun. Mago Anôtô taê walô aê, gebe kakêñ gêwiñ mêtê atom tageñ ma gajam kauc gêñ, tañ gagôm nan. <sup>14</sup> Aêacnêñ Apômtau kêsêwa nê moasin kêpi aê ma kêkêñ aê kakêñ gêwiñ to têtac gêwiñ ñanô, tañ ñawakac kêsêp Kilisi Jesu tau nan. <sup>15</sup> Biñ tonec tec ñanô, ñamalac samob sêkêñ êwiñ acgomman, gebe Kilisi Jesu gêmêñ nom gebe ênam lau sec kêsi. Ma aê tec katu lau sec tau nêñ ñac ñamata. <sup>16</sup> Kêtú biñ tonanña Anôtô taê walô aê gebe Kilisi Jesu êwa nê lêñ ê ñamalacnêñ biñ tôñña sa êpi aê êtu ñamata e jatu lau, tañ oc sêkêñ êwi ñ en ma sêngôn maten jali tengeñ nan, nêñ ñadônôn. <sup>17</sup> Anôtô taugen kêtú têm samob ñakin. En gêmoa tengeñ ma ñamalac ten mataanô gêlic en atom. En taugen kêtú Anôtô. Lanem to ñawasi êndêñ en êtôm têm totêmgeñ. Biññanô.

<sup>18</sup> Latucenec Timote, aê kakêñ ñagôlin tonañ gêdêñ aôm gebe ojop. Biñ tonañ seoc lasê kêpi aôm gebe êpuc aôm tôñ ma ônac sin ñajam. <sup>19</sup> Ôkêñ

êwiņ tonêm ŋalêlôm ŋaņêņgen. Lau ŋagêdô sêwê biņ tonañ auc ma sêkêņ gêwiņ atom, tec têtû lau gêbac. <sup>20</sup> Lau tau nêņ ŋagêdô tonec Humenai agêc Alesandere. Aê kakêņ êsêagêc sêsêp Sadañ lêma gebe êndôņ êsêagêc e sêsôm biņ alôb-alôb êtiam atom.

## 2

### *Biņ tateņ mecņa*

<sup>1</sup> Amboac tonañ aê jalêņ biņ amac gebe aņgôm gêņ tonec êtû ŋamatagen aċgom gebe aten nêm gêņ êndêņ Anôtô to aten mec ma taêm ênam nêm lau êsap nêm mec ŋalêlôm to anam danġe êtû ŋamalac samobņa. <sup>2</sup> Aten mec êtû kiņ to gôliņwaga samobņa, gebe tamoia nêņ ŋajam to danġôņ tomalô, ma danġôm nêņ gêņ tasa Anôtônê lêņ to tamansaņ gêņ samob ŋapep. <sup>3</sup> Biņ tonañ gêjac aêacnêņ kêsiwaga Anôtô mataanô ŋajam ma gêlic jagêdêņ. <sup>4</sup> Ŋac tau tonañ gebe ênam ŋamalac samob kêsi ma gebe êkêņ êsêac sêjala biņņanô tau, <sup>5</sup> gebe Anôtô tagen tec gêmoia, ma sêliņwaga tagen tec gêmoia Anôtô to ŋamalac ŋasawa. Sêliņwaga tau ŋamalac Kilisi Jesu, <sup>6</sup> taņ kêkêņ tau gêjac da lau pebeņ. Biņ tonañ gêwa sa gêdêņ ŋanoc gebe Anôtô gebe ênam ŋamalac samob kêsi. <sup>7</sup> Anôtô kêkêņ aê katu ŋacjaen to aposolo ma lau samuc nêņ kêdôņwaga gebe jasôm lêņ takêņ gêwiņņa to biņņanô tau lasê êndêņ êsêac. Aê kasôm biņņanô, kasau atom.

<sup>8</sup> Aê gabe ŋacwaga teteņ mec êtôm gamêņ samobgen. Êsêac embe sêlam lemeņ dabuņ, go têtac ŋandaņ to têtac lulu atom.

<sup>9</sup> Ma biñ tonec êpi lauo amboac tonanjen, gebe sêmansañ taunj napep ma majen taunj êtu gêñ secña ma sênam gêlôn taunj tokaucgen. Êsêac sêmac poac ma sêkôc gold to kêkôm ma sêsô ñakwê toñaôli kapôên-kapôên atom. <sup>10</sup> Êsêac sênam gêlôn taunj ña kôm ñajamgen, tec êwa êsêac sa gebe têtôm lauo, tañ têtêc Anôtô nanj. <sup>11</sup> Lauo sênam taunj tônjen to sêkônij taunj, go sênô biñ e êtu tañ êsêac. <sup>12</sup> Aê jalôc gebe lauo têndôn lau to têtû ñacwaganênj ñatauo nec atom. Êsêac sêmoa sênam taunj tônjen. <sup>13</sup> Anôtô kêkên Adam kêtû ñamata acgom, go kêkên Ewa kêdaguc. <sup>14</sup> Ma Adam kêkên gêwiñ biñdansañ atom, awê tec kêkên gêwiñ e kêgêli biñsu. <sup>15</sup> Lauo embe sêsap sêkên gêwiñ to têtac gêwiñ tôn ma sêsa nêñ lên sênam dabun taunj tokaucgen ma embe sêkôc ñapalê, go Anôtô ênam êsêac kêsi.

### 3

#### *Gôlôac dabun nêñ laumata nêñ ñagôlinj*

<sup>1</sup> Biñ tonec biñ ñanô gebe ñac tenj embe taê êka gebe êtu gôlôac dabun ñagejobwaga, nanj nê ñalêlôm êkac enj êtu kôm ñajam tenja. <sup>2</sup> Gejobwaga tonan talic enj ñac mansañ samucgen, ênam awê tagen ma êmoa tokauc ñawagenj. Enj êsa nê lênj tokauc ma katôgenj. Enj êñgôm ja lau samob ma enj êtôm gebe êndôn lauña. <sup>3</sup> Ênôm gêñ anaboa atom to lêma ênac siñ ñawaô atom. Enj ñac malô to ñac wama. Enj têtac gamij atom. <sup>4</sup> Enj ênam gôlinj tau nê gôlôac napep e nê ñapalêo to ñac tetoc enj sa totanjen wamugenj. <sup>5</sup> Ñac tenj embe ênam gôlinj tau nê gôlôac êtôm atom, oc ejop Anôtônê gôlôac amboac ondocgenj. <sup>6</sup> Akênj ñac, tañ kêtû ñac buña

dambêgen nan, êtu gejobwaga atom, gebe en oc etoc tau sa e mêtôc, tan kêtap Sadan sa nan, êpi en amboac tonan. <sup>7</sup> Akên nac, tan lau sêmoa jaéc gôlôacna sêsôm en wae najam nanjen, gebe sêmbu en atom to Sadanê lip ênac en atom.

*Sakinwaga gôlôac dabunja nêj nagôlin*

<sup>8</sup> Sakinwaga gôlôac dabunja amboac tonan. Êsêac lau wapac, imbelen pap atom, sênôm wain anaboa atom ma sêwê launên gên auc atom. <sup>9</sup> Binjanô tan êsêac sêkên gêwin nan, sêkam tôn ja nêj nalêlôm nawa. <sup>10</sup> Ansaê lau tonan êmun acgom. Embe alic êsêac têtôm, go sênam sakin gôlôac. <sup>11</sup> Êsêacnên lauo amboac tonanjen. Êsêac lauo wapac, sênga bin atom, sêmoa tokauc najagen ma sêngôm nêj gên samob najênjen. <sup>12</sup> Sakinwaga gôlôac dabunja sênam awê tagen-tagen ma sênam gôlin nêj napalêo to nac ma nêj gôlôac napep. <sup>13</sup> Êsêac tan sêjam sakin nêj gôlôac napep nan, oc nêj sakin etoc êsêac sa ma sêkên êwin Kilisi Jesu totêntac êpa sugen.

*Anôtônê mêtê nabij nalêlômja*

<sup>14</sup> Bin tonan kato gêdên aôm ma taêc kêka gebe jandên aôm jawac seben. <sup>15</sup> Mago gên ten embe ênam aê tôn, go papia tonec êwa bin sa êndên aôm e ôjala lên ômoa Anôtônê andunja nam. Anôtônê andu tau Anôtô mata jali nê gôlôac, tan kêtü binjanô njaalê to nasejen. <sup>16</sup> Binjanôgoc, Anôtônê mêtê, tan kêsij tau kêsêp lêlômgen nan kapôêjanô. En geoc tau lasê kêtü jamalac. Njalau Dabun gêwa en sa gebe en nac gêdên. Anjela sêlic en.

Sêjam ênê mêtê gêdêŋ lau samuc.  
Lau nomŋa sêkêŋ gêwiŋ eŋ.  
Anôtô kêsip eŋ sa tonŋawasigeŋ.

## 4

### *Biŋ kêpi kêdônŋwaga dansaŋ*

<sup>1</sup> Nalau Dabuŋ gêwa sa kwananŋeŋ e gêc awêgeŋ gebe êndêŋ têm ŋamuŋa lau ŋagêdô oc sêkac tauŋ su anŋa sêkêŋ gêwiŋ ŋanônŋa nasêsap ŋalau dansaŋŋa tônŋ to sêkôc ŋalau sec nêŋ mêtê sa. <sup>2</sup> Nalau sec tonanŋ sêjam ŋamalac dansaŋ laŋônŋ, taŋ sêsau lau. Êsêacnêŋ ŋalêlôm kêtôm ja kêpac gêŋ kêtû matê. <sup>3</sup> Êsêac tonanŋ sêjac jao gebe ŋacwaga sênam awê atom ma lauo sênam ŋac atom. Ma êsêac sêkac ŋamalac gebe sêŋgamiŋ tauŋ êndêŋ gêŋ taniŋŋa ŋagêdô. Mago Anôtô kêkêŋ gêŋ taniŋŋa tonanŋ gebe aêac lau takêŋ gêwiŋ to tajala biŋŋanônŋa takôc sa todaŋgegeŋ. <sup>4</sup> Gêŋ totau-totau samob, taŋ Anôtô kêkêŋ nanŋ, tau ŋajam. Amboac tonanŋ takôc gêŋ tonanŋ ŋai samob sa todaŋgegeŋ ma dambu teŋ atom, <sup>5</sup> gebe Anôtônê biŋ to mec gêgôm gêŋ tau kêtû dabuŋgac.

### *Kilisi Jesu nê sakiŋwaga ŋajam*

<sup>6</sup> Aôm embe ôwa biŋ tonanŋ sa êndêŋ lasitêwai, oc ôtu Kilisi Jesu nê sakiŋwaga ŋajam, gebe takêŋ gêwiŋ ŋabiŋ to mêtê ŋajam, taŋ kôdaguc nanŋ, kêtû nêŋ mo gêlôm aômŋa. <sup>7</sup> Mago miŋ alôb-alôb to lauo ŋanô nêŋ biŋ ole nanŋ ômasuc. Ôsa Anôtônê lêŋ ônsaê-ônsaê e êtu tônŋ aôm. <sup>8</sup> Embe tansaê gebe tatu mêtê ôliŋgeŋ, oc ênam aêac sa ŋanô atom. Mago embe tasa Anôtônê lêŋ, oc ênam aêac sa êtu gêŋ samobŋa.

Anôtô gêjac mata gebe ênam aêac sa êndênj têm tamoa materj jali anja nomnja to êndênj têm danjônj materj jali anja ônênja amboac tonanjen. <sup>9</sup> Bin tonanjanô to gêdênj kêtôm gebe namalac samob sêkôc sanja. <sup>10</sup> Kêtu mêtê tonanjanja aêac tajam kolenj tosinjenj gebe aêac takênj materj Anôtô mata jali, tanj kêtuj namalac samob nênj kêsiwaga, mago kêtuj aêac lau-takênj-gêwiwjaga nênj kêtuj namata.

<sup>11</sup> Ôjatu bin tonanjan ma ôndônj lau gebe sêmansanjan. <sup>12</sup> Lau tenjanônj elo aôm êtuj aôm njac matacnja atom. Aômnêm binj to nêm lênj ma têtac gêwiwj to kôkênj gêwiwj nanô ma nêm njalêlôm njawa êtuj njadônjdônj êndênj lau-sêkênj-gêwiwjaga. <sup>13</sup> Ôsam mêtê lasê to ôiênj binj gôlôac ma ôndônj lau tau ômoa e tauc jawac acgom. <sup>14</sup> Ôim Anôtônê moasinjan, tanj gêc njalêlôm nanjan, su atom. Moasinjan tau gelom aôm gêdênj tanj seoc Anôtônê binj lasê gêdênj aôm ma gôlôac dabunjan nênj laumata sêuj lemenj gêsac aôm nanjan. <sup>15</sup> Bin tonanjan taêm ênam ma binj tonanjan ênam gôlinjan nêm lênj, gebe lau samob sêlic aômnêm kôm esewec. <sup>16</sup> Ojop taôm to mêtê, tanj kôdônj gômoa nanjan njapep. Ôsap tônjenj. Ôngôm tonanjan, ec ênam aôm taôm to êsêac, tanj sênjô aômnêm binjan nanjan sa.

## 5

### *Timote ênam sakinjan to ejop nê lau njapep*

<sup>1</sup> Ônsaic binjan namalacanô tenjan atom, ôlênj binjan enjan amboac tamam. Ma lau wakuc nanjan ôlic êsêac amboac lasimi. <sup>2</sup> Lauo nanjan ôiênj binjan êsêac amboac tênami, ma lauo wakuc amboac latômio tonêm njalêlôm njawagenjan.



<sup>3</sup> Awêtuç embe awêtuç ñanôgeñ, nanjo otoc êsêac sa. <sup>4</sup> Ma awêtuç teñ embe nê gôlôac to dêbui sêmoa, nanj sênam eñ sa êjô moasiñ tañ tenenji to tamenji sêkêñ gêdêñ êsêac nanj. Sêngôm amboac tonan, ec ênac Anôtô mataanô ñajam. <sup>5</sup> Ma embe awêtuç ñanô, tañ taugenj êmoa nanj, oc êkêñ mata Anôtôgeñ ma êsap mec tôñ ma etenj Anôtô êtôm êmbêc to elenjenj. <sup>6</sup> Ma awêtuç teñ embe êsa nê lêñ taê ênam tau ôligenj, nanj talic eñ mata jali, mago gêmac êndugac. <sup>7</sup> Ônac biñsu êsêac gebe sêmoa tobiñ masigenj. <sup>8</sup> Ñac teñ embe ejop tau nê lau to êmoasiñ tau nê lasitêwai atom, oc ensenj biñ takêñ gêwiñña su. Eñ êtu ñac sec êlêlêc lau-sêkêñ-gêwiñ-atomwaga su.

<sup>9</sup> Oto awêtuç teñ nê ñaê êsêp awêtuçnêñ ñaêmôkê paliñ-paliñgenj atom. Awêtuç tañ nê jala kêtú 60 su ma gêjam ñac tagenj nanjenj nê ñaê êsêp. <sup>10</sup> Ênê wae gêjam kôm ñajamña ênêc amboac tonangenj. Eñ embe êlôm nê gôlôac ñapep, êngôm ja lau, êkwasiñ Anôtônê lau enkaiñ, ênam lau sêngôñ jageoña sa to êpuc gêñ ñajam samob ñam, nanjo nê ñaê êsêp ñaêmôkê.

<sup>11</sup> Oto awêtuç wakuc nêñ ñaê êsêp ñaêmôkê atom, gebe êsêac oc taêñ ênam biñ ñacña ma ôliñ ñakam êsa êndêñ Kilisi. <sup>12</sup> Lauo tonanñ ñai oc sêsap nêñ biñ, tañ sêmoatiñ kêtú ñamata nanj, tulu e sêmoa tobiñgenj. <sup>13</sup> Lauo amboac tonanñ têtônñ tañ gebe sênam ojom ma sênac laoc launêñ andugenj. Ma sêjam ojomgenj atom, awensunñ ñakasop-kasop ma sêlênsônñ lau ñagêdô nêñ biñ to sêsôm biñ, tañ têtôm atom gebe sêsôm nanj. <sup>14</sup> Amboac tonanñ aê gabe awêtuç wakuc sênam ñac êtiam, ec sêkôc ñapalê ma

sêmansañ nêñ andu ñapep. Sêngôm amboac tonañ, gebe ñacjo êmbu aêac êtu lêñ keso tenña atom. <sup>15</sup> Awêtuc tau ñagêdô tec sêkac tauñ su ma sêsap Sadañ tângac. <sup>16</sup> Awêtuc ñagêdô embe sêngôn sêwiñ nêñ awê kêkêñ gêwiñña ten, go awê tau ênam êsêac sa, gebe êkêñ wapac êndên gôlôac atom. Go gôlôac dabuñ têtôm gebe sênam awêtuc sawaanô sa.

<sup>17</sup> Atôc gôlôacnêñ laumata, tañ sêjam jaom nêñ gôlôac ñapep nañ, sa êlêlêcmañ. Aê kasôm biñ kêpi êsêac, tañ sêjam mêtê to têdôn lau sim tauñ sugen nañ. <sup>18</sup> Amac ajala gebe teto gêc gebe “Ôkic bulimakao, tañ kêka mopolom gêmoa nañ, awasun auc atom.” Ma biñ ten gêc gêwiñ gebe “Kolenwaganê kôm ñaôli gêjac en ñawaegoc.” <sup>19</sup> Biñ ten embe êpi laumata ten, nañ ôkêñ tañam seben atom. Nac luagêc me têlêac sêwa sa êtôm tau acgom, go ôkêñ êwiñ. <sup>20</sup> Lau tañ sêngôm sec nañ, ômêtôc êsêac anga lau samob lañônêm gebe lau ñagêdô sêlic ma têtêc tauñ. <sup>21</sup> Aê kakô Anôtô agêc Kilisi Jesu to anela, tañ Anôtô kêjaliñ êsêac sa nañ, lañônêm ma aoc gêjac aôm gebe Ojop ñagôliñ tonañ ñapep. Ômoasiñ ñac ten êlêlêc ñac ten su atom to taêm labu nêm ñac ôlim andañ taômña atom. <sup>22</sup> Ôkêñ lêmam ênsac ñac ten gebe ônam mec en êtu sakiñ tenña seben atom. Ma ôwê lau ñagêdô nêñ sec ñakain ôwiñ atom. Ojop taôm nêm ñalêlôm gebe ñawagen.

<sup>23</sup> Ônôm bu ñaômagen atom, ônôm wain ñagec êwiñ êtu nêm têmtacwalô to gêmac gêgôm aôm elêmêña.

<sup>24</sup> Lau ñagêdô nêñ sec kêtú awê seben ma sec tau kêsêlêñ gêmun têm sêmêtôc êsêacña. Mago ñagêdô nêñ sec oc êtu awê êndanğucgen. <sup>25</sup> Ma kolen ñajam

kêtu awê amboac tonanġen. Ma ñagêdô embe êtu awê sebenġ atom, oc êsinġ tau êtôm atom.

## 6

<sup>1</sup> Sakiñwaga samob tetoc nêñ ñataui sa ñapepġen, gebe bi ñ alôb-alôb êpi Anôtônê ñaê to mêtê atom. <sup>2</sup> Sakiñwaga tañ nêñ ñataui sêkêñ ġêwiñ nañ, taêñ êpa êsêac su gebe êsêacnêñ lasitêwai nec atom. Masi. Êsêac sênam sakiñ sênac ñawaegenġ gebe nêñ sakiñ oc êmoasinġ lau sêkêñ ġêwiñña, tañ Anôtô têtac ġêwiñ êsêac nañ.

### *Mêtê geo to awa ñanô*

Biñ tonec ôndônġ to ôlêñ biñ ġôlôac. <sup>3</sup> Ñac teñ embe êndônġ mêtê teñ eso mêtê tonanġ ma êsap aêacnêñ Apômtau Jesu Kilisi nê biñ ñajam to Anôtônê lêñ tôñ atom, <sup>4</sup> nañ oc etoc tau sa ñaômagenġ ma êjala biñ teñ atom. Lau amboac tonanġ nêñ ñalêlôm kêkac êsêac keso, tec awenġsunġ ġêôc ka tauñ to sêsôm biñkalom ñawaô. Biñ tonanġ kêtù têtac sec to kisa ma biñ alôb-alôb to sêga biñ sec ñamôkê. <sup>5</sup> Lau tonanġ sêjam biñgalôm ñawaô, mago nêñ kauc kêlênsônġ ma sêkac tauñ su anġa biññanô tau e seboc Anôtônê lêñ kêtù intêna têtap awa saña teñ.

<sup>6</sup> Biññanô, lau embe sêsap Anôtônê lêñ tôñ to sêlic ġêñ, tañ ġêc êsêacña gebe kêtôm, nañ têtap awa ñanô tau sa su. <sup>7</sup> Aêac tamêñ nom tolemenġ sawagenġ ma oc dawî nom sinġ tolemenġ sawagenġ amboac tonanġ. <sup>8</sup> Embe tatap nêñ mo to nêñ ñakwê sa naêtôm aêac, nañ kêtôm. <sup>9</sup> Lau tañ taêñ kêka gebe têtù lau tolêlôm nañ, sêsêp lêtôm ñalêlom ma têtac ñakalac meloc tokainġ-tokainġ, tañ ensenġ êsêac

su nañ, ñalakô êkô êsêac. Gêñ amboac tonañ ñai oc êmbam ñamalac e sêmbac sênaña. <sup>10</sup> Têntac gêwiñ awa kêtú sec samob ñawakac. Lau ñagêdô maten katu gêñ tonañ, tec sêjac jaê sêkêñ gêwiñ ma têtap nêñ kamoc to ñandan ñalêlômña taêsam sa.

*Paulu kêpuc Timote tøj*

<sup>11</sup> Anôtônê ñac aôm ôêc gêñ tonañ ñai samob su. Ôndanğuc biñ gêdêñ ma ôsa Anôtônê lêñ to ôkêñ êwiñ mêtê ma têtmac êwiñ lau to ôc gêñwapac totêmtac êpa sugen ma ômoa tonêm ñalêlôm malôgen. <sup>12</sup> Ônac siñ ñajam êtu takêñ gêwiñña ma ôkam ôngôñ matam jali tengeñña tøj. Gêdêñ tañ kôsôm kôkêñ gêwiñ lasê lau taêsam sêñô nañ, Anôtô kêkalem aôm gebe ôngôñ matam jali. <sup>13</sup> Aê kakô Anôtô, tañ kêkêñ gêñ samob sêmoa maten jali nañ, agêc Kilisi Jesu, tañ kêsôm biññanô lasê gêdêñ Ponti Pilata nañ, lañôñnêm ma jajatu aôm gebe <sup>14</sup> Ômansañ biñsu ñapep sawa ômoa e aêacnêñ Apômtau Jesu Kilisi eoc tau lasê. <sup>15</sup> Êndêñ ñanoc acgom, go Natau tagen, kiñnêñ Kiñ to apômtaunêñ Apômtau, tañ awen gêôc en nañ, êngôm gêñ tonañ ñanô êsa. <sup>16</sup> En taugen êmac êndu atom, êmoa tengeñ. En gêmoa ñawê, tañ ñamalac ten êsa ñagala atom nañ ñalêlôm. Ñamalac ten gêlic en su atom ma ten kêtôm gebe oc êlic enña atom. Ênê wae êsa to ênê ñajaña ênêc tengeñ. Biññanô.

<sup>17</sup> Ôjatu lau tolêlôm awa nom tonecña gebe tetoc tañ sa atom. Êsêac sêkêñ maten awa nomña ñaôma atom, sêkêñ maten Anôtô, tañ kêkêñ gêñ samob e kêlêsuc aêacgen gebe êngôm aêac têtmac ñajam êsa. <sup>18</sup> Ojatu êsêac gebe sêmoasiñ lau to têtú

lau tolêlôm kolej ñajamña. Êsêac sêmoa totêntac wapômgenj to sênac sam nêj awa êndêj lau sêwê kainj sêwiñ. <sup>19</sup> Sêngôm amboac tonañ, go sênac nêj awa sa êtu têm, tañ oc mênêsa nañ, ñamôkê ñajam gebe têtap sêngôj matenj jali ñanô sa.

<sup>20</sup> O Timote, ojop gêj samob, tañ kêsêp aôm lêmam su nañ. Ondec biñ alôb-alôb ñaôma to biñ sêôc tañ aucña, tañ sêsam gebe “Biñ tokauc,” mago sêsau tañ, biñ tau biñ tokauc atom. <sup>21</sup> Lau ñagêdô sêkôc biñ tokauc tonañ sa, mago seso biñ takêj gêwiñña.

Moasiñ êndêj amac êwac.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb